



Na osnovu člana 80. Zakona o visokom obrazovanju u Hercegovačko-neretvanskom kantonu ("Službene novine Hercegovačko-neretvanskog kantona broj: 4/12), člana 146 Statuta Univerziteta, te odluka Senata Univerziteta broj: 101-1099/20, 101-1099-1/20 i 101-1099-2/20 od 28.5.2020. godine uz saglasnost Ministarstva obrazovanja, nauke, kulture i sporta HNK, broj: 05-03-34-928-1/20 od 2.6.2020. godine, Univerzitet "Džemal Bijedić" u Mostaru, objavljuje

KONKURS

za upis studenata u prvu godinu prvog, drugog i trećeg ciklusa studija na Univerzitetu "Džemal Bijedić" u Mostaru u akademskoj 2020/2021. godini

1. Konkurs za upis u prvu godinu **I ciklusa studija** u akademskoj 2020/2021. godini ostaje otvoren **do 3. jula 2020. godine.**

Konkurs za upis u prvu godinu **II i III ciklusa studija** u akademskoj 2020/2021. godini ostaje otvoren **do 1. novembra 2020. godine.**

U prvu godinu studija u akademskoj 2020/2021. godini kandidati se upisuju u skladu sa Planom upisa studenata.

2. Pravo na upis i status studenta **dodiplomskog studija** (bachelor, I ciklus) na Univerzitet imaju sva lica koja su završila četverogodišnju srednju školu u Bosni i Hercegovini, kao i lica koja su završila četverogodišnju srednju školu u inostranstvu.

Kandidati koji su srednju školu završili u inostranstvu, uz prijavu na konkurs, podnose obrazovne isprave i rješenje o ekvivalenciji, odnosno nostrifikaciji, a ako je postupak u toku, dostavljaju dokaz o podnesenom zahtjevu.

Univerzitet će osigurati pristup studiju stranim državljanima i licima bez državljanstva u skladu s načelima evropskog sistema visokog obrazovanja, osiguravajući im studij pod istim uvjetima kao i državljanima Bosne i Hercegovine.

3. Pravo upisa na **diplomski studij** (master, II ciklus) imaju kandidati sa završenim odgovarajućim dodiplomskim studijem koji se vrednuje sa najmanje 180 (3+2) ECTS odnosno 240 (4+1) ECTS studijskih bodova, te kandidati sa završenim četverogodišnjim studijem po predbolonjskom sistemu studiranja, što se bliže definiše studijskim programom.

Kandidati za upis na diplomski studij, u pravilu, moraju imati najmanju prosječnu ocjenu 7,5 (C+) ostvarenu na dodiplomskom studiju, a ukoliko nisu ostvarili traženu prosječnu ocjenu, potrebno je da dostave dvije preporuke nastavnika, koji su im bili predmetni nastavnici na dodiplomskom studiju.

Kandidati koji ispunjavaju uslove iz stava (1) ovog člana imaju pravo upisa na studijski program koji je srodan završenom dodiplomskom studiju, uz polaganje jednog ili više diferencijalnih ispita i pod uslovima koje utvrđuje naučno-nastavno vijeće fakulteta/univerzitetskog studija, koji realizuje studijski program diplomskog studija.

Strani državljani i osobe bez državljanstva imaju pravo upisa na studij pod jednakim uslovima kao i državljani BiH.

3.1. Pravo upisa na **diplomski studij (master 4+1) / II ciklus studija Ekonomskog fakulteta** imaju kandidati koji su završili prvi ciklus studija ekonomskog i neekonomskog usmjerenja u trajanju od četiri godine sa ostvarenih 240 ECTS bodova. Za sve prijavljene kandidate održati će se prijemni ispit iz oblasti na koju apliciraju. Prijemni ispit je eliminatoran. Kandidati koji su završili prvi ciklus studija **neekonomskog usmjerenja** nakon položenog prijemnog ispita obavezni su polagati **preduslovni predmet - Menadžerska ekonomija.**

4. Pravo upisa na **doktorski studij iz oblasti kineziologije** imaju kandidati koji ispunjavaju sljedeće uslove:

- (a) Kandidati koji su po ranije važećim propisima stekli visoko obrazovanje iz oblasti sporta i tjelesnog odgoja, fizičkog vaspitanja i kulture (ili drugo adekvatno zvanje) u trajanju od najmanje 8 semestara s najmanjom ocjenom 8,00; uz obavezu polaganja razlike predmeta koju utvrdi Vijeće doktorskog studija
- (b) Kandidati koji su po ranije važećim propisima, stekli zvanje Magistar nauka iz oblasti kineziologije/Magistar nauka iz oblasti sporta i tjelesnog odgoja (ili drugo adekvatno zvanje) s najmanjom prosječnom ocjenom 8,00 ili ekvivalenta vrijednosti;
- (c) Kandidati koji su po ranije važećim propisima stekli zvanje Magistar nauka u okviru fakulteta srodnih naučnih oblasti. s najmanjom prosječnom ocjenom 8,00 ili ekvivalenta vrijednosti, uz obavezu polaganja razlike predmeta koju utvrdi Vijeće doktorskog studija;
- (d) Kandidati koji su stekli diplomu drugog ciklusa studija – opći smjer (300 ECTS) u okviru Nastavničkog fakulteta, Fakulteta sporta i tjelesnog odgoja (ili u okviru drugog fakulteta srodnog naziva) i zvanje Magistar/Master sporta i tjelesnog odgoja (ili drugo adekvatno zvanje) sa najmanjom prosječnom ocjenom 8,00 ili ekvivalentna vrijednosti na prvom i na drugom ciklusu;
- (e) Kandidati koji su stekli diplomu drugog ciklusa studija (300 ECTS) i zvanje Magistra/Mastera na fakultetima srodnih naučnih oblasti, s najmanje prosječnom ocjenom 8,00 ili ekvivalentna vrijednosti na prvom i na drugom ciklusu, uz obavezu polaganja razlike predmeta koju utvrdi Vijeće doktorskog studija;
- (f) Završen studij iz alineje (a) ili stečeno obrazovanje iz alineje (b) ili stečeni naziv iz alineje (c), alineje (d) i alineje (e) iz prethodnih stavova s najmanjom prosječnom ocjenom 7,50 uz dvije preporuke predmetnih nastavnika sa prethodnih ciklusa studija koje je kandidat pohađao;
- (g) Završen studij iz alineje (a) ili stečeno obrazovanje iz alineje (b) ili stečeni naziv iz alineje (c) ili završen studij iz alineje (d) i alineje (e) ovog stava sa manjom prosječnom ocjenom od 7,50, pod uslovom da kandidat ima najmanje dva objavljena naučna rada od kojih je najmanje jedan objavljen u međunarodnom časopisu indeksiranom u bazi CC, SCI ili SCIEp i da je najmanje jedan rad javno prezentiran na međunarodnim naučnim konferencijama.

Kandidati treba da posjeduju znanje stranog jezika važnog za predmetnu oblast .

Kandidatima koji su po ranije važećim propisima, stekli zvanje Magistar nauka iz oblasti kineziologije/Magistar nauka iz oblasti sporta i tjelesnog odgoja (ili drugo adekvatno zvanje) priznaje se 60 ECTS kredita i upisuju se u III semestar doktorskog studija i ima obavezu da izabere oblast istraživačke teme i supervizora iz reda nastavnika angažovanih na realizaciji doktorskog studija

U slučaju da je kandidat završio studijski program I i II ciklusa studija, te magistarski studij po ranije važećim propisima, a koji ne pripada oblasti kineziologije (sporta; sporta i zdravlja u edukaciji; fizičke kulture i srodnih naziva), a koji se želi upisati na doktorski studij iz oblasti kineziologije potrebno je provesti postupak utvrđivanja ekvivalentnog broja ECTS bodova i na osnovu toga utvrditi razliku predmeta koju je kandidat dužan da položi prije polaganja ispita sa doktorskog studija.

5. Za prijavu na Konkurs za upis u prvu godinu studija kandidat je dužan predati sljedeće dokumente:

a) prvi ciklus (dodiplomski studij)

- Zahtjev za upis u kome je tačno naznačen odsjek odnosno studijski program na koji konkuriše;
- Originalna svjedočanstva o završenim razredima srednje škole i originalnu diplomu o završenoj srednjoj školi u Bosni i Hercegovini u četverogodišnjem trajanju odnosno odgovarajuća nostrificirana dokumenta za kandidate koji srednju školu nisu završili u Bosni i Hercegovini (ukoliko su dokumenti u postupku nostrifikacije prilaže se dokaz o podnesenom zahtjevu za nostrifikaciju);
- Izvod iz matične knjige rođenih (original ili ovjerena kopija originala);
- Uvjerenje o državljanstvu (original ne starije od 6 mjeseci) i
- Druge dokumente relevantne za utvrđivanje broja bodova po kriterijima.

Prijave za upis studenata u prvu godinu prvog ciklusa (dodiplomskog) studija Dizajn interijera, Zdravstvena njega, Mikrobiologija i Farmacija kandidati podnose u studentsku službu Nastavničkog fakulteta Univerziteta „Džemal Bijedić“ u Mostaru.

Prijave za upis studenata u prvu godinu prvog ciklusa (dodiplomskog) Studija turizma i studija Poslovna informatika kandidati podnose u studentsku službu Ekonomskog fakulteta Univerziteta „Džemal Bijedić“ u Mostaru.

Prijave za upis studenata u prvu godinu drugog ciklusa (diplomskog) studija iz oblasti Menadžmenta u kulturnom turizmu i Poslovne informatike kandidati podnose u studentsku službu Ekonomskog fakulteta Univerziteta „Džemal Bijedić“ u Mostaru, a Mikrobiologije u studentsku službu Nastavničkog fakulteta.

b) drugi ciklus (diplomski/master studij)

- Zahtjev za upis u kome je tačno naznačen smjer na koji konkuriše;
- Diploma ili uvjerenje o završenom prvom ciklusu studija iz odgovarajuće oblasti, odnosno odgovarajuća nostrificirana dokumenta;
- Uvjerenje o položenim ispitima ili dodatak diplomi (original);
- Izvod iz matične knjige rođenih (original ili ovjerena kopija originala);
- Uvjerenje o državljanstvu (original ne starije od 6 mjeseci) i
- Drugi dokumenti u skladu sa Pravilima studiranja na II ciklusu studiju na Univerzitetu "Džemal Bijedić" u Mostaru, objavljenim na web stranici Univerziteta.

c) treći ciklus (doktorski studij)

Uz prijavu u kojoj se navodi odabrani modul obavezno se prilažu dokumenti:

- biografija sa opisom stručne i naučne aktivnosti;
- izvod iz matične knjige rođenih (original ili ovjerena kopija);
- uvjerenje o državljanstvu (original ili ovjerena kopija, ne starije od 6 mjeseci);
- pasoš ili drugi adekvatan dokument za strane državljane (ovjerena kopija);
- potvrda o poznavanju stranog jezika;
- diplomu o završenom VII/1 stepenu stručne spreme ili diplomskom akademskom studiju ili poslijediplomskom naučnom magistarskom studiju (ovjerene kopije);
- uvjerenje o položenim ispitima sa ostvarenim prosjekom ocjena iz prethodnih ciklusa studija;
- preporuke najmanje dva profesora (prilažu samo kandidati koji ispunjavaju uslove upisa iz člana 4. tačka g) i f);
- ispisnica sa poslijediplomskog naučnog magistarskog studija (prilažu samo kandidati koji se prijavljuju za upis u III semestar);
- dokazi o objavljena najmanje dva naučna rada od kojih je najmanje jedan objavljen u međunarodnom časopisu indeksiranom u bazi CC, SCI ili SCIEp i da je najmanje jedan rad javno prezentiran na međunarodnim naučnim konferencijama (prilažu samo kandidati koji ispunjavaju uslove upisa iz člana 4. tačka g).

Kandidati koji su studije završili u inostranstvu uz prijavu na konkurs podnose obrazovne isprave i rješenje o ekvivalenciji, odnosno nostrifikaciji, a ako je postupak nostrifikacije u toku dostavljaju dokaz o podnesenom zahtjevu. Pravo na upis kandidat stiže nakon donošenja rješenja o nostrifikaciji.

Nepotpune i neblagovremeno podnesene prijave neće se uzimati u razmatranje.

5. Prijemni ispit, na organizacionim jednicama/univerzitetskim studijima na kojima se polaže, obaviti će se u terminu, rasporedu i satnici koje će utvrditi organizacione jedinice/univerzitetski studiji pojedinačno, koji će oglasiti na svojim oglasnim pločama i web stranicama uz detaljne informacije o sadržaju i načinu polaganja prijemnog ispita.

6. Kriteriji i mjerila za utvrđivanje redosljeda za prijem kandidata za upis u prvu godinu prvog ciklusa studija na organizacione jedinice/univerzitetske studije Univerziteta "Džemal Bijedić" u Mostaru će biti objavljeni na oglasnim pločama i web stranicama organizacionih jedinica/univerzitetskih studija. Rang listu svih kandidata i spisak primljenih kandidata organizacione jedinice/univerzitetski studiji će objaviti na oglasnoj ploči i web stranici nakon što je verifikuje nadležni organ.

7. Na objavljenu rang listu kandidati mogu uložiti pismeni prigovor Naučno-nastavnom vijeću organizacione jedinice/univerzitetskog studija u roku od 3 dana od dana objavljivanja iste. Naučno-nastavno vijeće organizacione

jednice/univerzitetskog studija je dužno u roku od 3 dana odlučiti o prigovoru i o tom obavijestiti kandidata. Odluka Naučno-nastavnog vijeća je konačna.

8. Organizacione jedinice/univerzitetski studiji će na svojim oglasnim pločama i web stranicama objaviti detaljne informacije o mjestu i vremenu predaje dokumenata na Konkurs.

9. Upis studenata koji budu primljeni na organizacione jedinice/univerzitetske studije obaviti će se nakon oglašavanja konačne rang liste primljenih kandidata.

10. Za upis na visokoškolske ustanove **primljeni kandidati** podnose:

- upisni i prijavni list (ŠV obrazac)
- upisnicu - index
- dvije fotografije
- ljekarsko uvjerenje o zdravstvenom stanju studenta (izdaje ga odgovarajuća zdravstvena ustanova ne starije od 6 mjeseci).
- dokaz o uplati školarine.

PLAN UPISA STUDENATA

u prvu godinu studija na organizacione jedinice i univerzitetske studije Univerziteta "Džemal Bijedić" u Mostaru u akademskoj 2020/2021. godini

Agromediteranski fakultet	Redovni	Redovni uz plaćanje	Vanredni	DL	Strani državljeni	Ukupno
Akademski dodiplomski studij (bachelor, studij I ciklusa)	75		30			105
Voćarsko-vinogradarski smjer	25		10			35
Povrtlarsko-cvječarski smjer	25		10			35
Ekologija i upravljanje okolišem u poljoprivredi	25		10			35
Diplomski studij (master, studij II ciklusa)	65		20			85
Voćarsko-vinogradarski smjer	15		5			20
Povrtlarsko-cvječarski smjer	15		5			20
Ekologija i upravljanje okolišem u poljoprivredi	15		5			20
Urbana poljoprivreda	20		5			25
Ukupno	140		50			190

Ekonomski fakultet	Redovni	Redovni uz plaćanje	Vanredni	DL	Strani državljeni	Ukupno
Akademski dodiplomski studij (bachelor, studij I ciklusa)	60		20			80
Dodiplomski studij	60		10			70
Stručni studij			10			10
Diplomski studij (master, studij II ciklusa)	45	45				90
Poslovni menadžment	15	15				30
Menadžment finansija	15	15				30
Računovodstvo i revizija	15	15				30
Ukupno	105	45	20			170

Fakultet humanističkih nauka	Redovni	Redovni uz plaćanje	Vanredni	DL	Strani državljeni	Ukupno
------------------------------	---------	---------------------------	----------	----	----------------------	--------

Akademski dodiplomski studij (bachelor, studij I ciklusa)	130		30			160
Kulturalni studiji i bosnistika	15		5			20
Engleski jezik i književnost	25		5			30
Turski jezik i književnost	25		5			30
Njemački jezik i književnost	25		5			30
Historija i međunarodni odnosi	15		5			20
Komunikologija	25		5			30
Diplomski studij (master, studij II ciklusa)	30		30			60
Bosanski jezik i književnost	5		5			10
Engleski jezik i književnost	5		5			10
Turski jezik i književnost	5		5			10
Njemački jezik i književnost	5		5			10
Historija BiH	5		5			10
Komunikologija	5		5			10
Ukupno	160		60			220

Fakultet informacijskih tehnologija	Redovni	Redovni uz plaćanje	Vanredni	DL	Strani državljani	Ukupno
Akademski dodiplomski studij (bachelor, studij I ciklusa)		55	5	250		310
Softverski inženjering (240 ECTS)		55	5	250		310
Diplomski studij (master, studij II ciklusa)						
Ukupno		55	5	250		310

Građevinski fakultet	Redovni	Redovni uz plaćanje	Vanredni	DL	Strani državljani	Ukupno
Akademski dodiplomski studij (bachelor, studij I ciklusa)	30	15				45
Građevinarstvo – opći odsjek	30	15				45
Diplomski studij (master, studij II ciklusa)	10	10	5			25
Odsjek za konstrukcije	10					10
Upravljanje okolišnom infrastrukturom		10	5			15
Ukupno	40	25	5			70

Mašinski fakultet	Redovni	Redovni uz plaćanje	Vanredni	DL	Strani državljani	Ukupno
Akademski dodiplomski studij (bachelor, studij I ciklusa)	90	15	15			120
Kompjuterski inženjering	30	5	5			40
Dizajn proizvoda	30	5	5			40
Energetika	30	5	5			40
Diplomski studij (master, studij II ciklusa)	45	30	30			105
Kompjuterski inženjering	15	10	10			35
Dizajn proizvoda	15	10	10			35
Obnovljivi izvori energije	15	10	10			35
Ukupno	135	45	45			225

Nastavnički fakultet	Redovni	Redovni uz plaćanje	Vanredni	DL	Strani državljani	Ukupno
Akademski dodiplomski studij (bachelor, studij I ciklusa)	100	50	60			210

Hemija	20	10	10			40
Razredna nastava	20	10	10			40
Sport i zdravlje	20	10	10			40
Pedagogija	20	10	10			40
Psihologija i sociologija	20	10	10			40
Stručni studij iz oblasti sporta			10			10
Diplomski studij (master, studij II ciklusa)	60	30	40			130
Hemija	10	5	5			20
Razredna nastava	10	5	5			20
Sport i zdravlje	10	5	5			20
Sociologija	10	5	5			20
Pedagogija	10	5	5			20
Psihologija	10	5	5			20
Stručni studij iz oblasti sporta			10			10
Doktorski studij		10				10
Kineziologija		10				10
Ukupno						

Pravni fakultet	Redovni	Redovni uz plaćanje	Vanredni	DL	Strani državljani	Ukupno
Akademski dodiplomski studij (bachelor, studij I ciklusa)	25	30	15			70
Opći smjer	25	5	5			35
Kriminologija i sigurnosne studije		25	10			35
Diplomski studij (master, studij II ciklusa)		10				10
Građansko-pravni smjer		10				10
Ukupno	25	40	15			80

Univerzitetski studiji	Redovni	Redovni uz plaćanje	Vanredni	DL	Strani državljani	Ukupno
Akademski dodiplomski studij (bachelor, studij I ciklusa)	20	155	20	25		220
Zdravstvena njega	20	50	10			80
Studij turizma		25	10			35
Dizajn Interijera		25				25
Poslovna informatika		25		25		50
Mikrobiologija		30				30
Diplomski studij (master, studij II ciklusa)	10	65	10	10		95
Menadžment u kulturnom turizmu	10		10			20
Poslovna informatika		15		10		25
Mikrobiologija		20				20
Farmacija (integrirani studij I i II ciklusa)		30				30
Ukupno						

Fakulteti/ Univerzitetski studiji	Redovni	Redovni uz plaćanje	Vanredni	DL	Strani državljani	Ukupno
I ciklus	530	320	195	275		1320
II ciklus	265	190	135	10		600
Integrirani studij I i II ciklusa		30				30
III ciklus		10				10
UKUPNO UNMO	795	550	330	285		1960

ODLUKA

o kriterijima i mjerilima za utvrđivanje redoslijeda za prijem kandidata za upis u prvu godinu prvog i drugog ciklusa studija na organizacionim jedinicama i univerzitetskim studijima Univerziteta "Džemal Bijedić" u Mostaru u akademskoj 2020/2021. godini

Član 1.

Ovom Odlukom utvrđuju se kriteriji i mjerila za bodovanje i upis kandidata u prvu godinu prvog i drugog ciklusa studija na organizacione jedinice i univerzitetske studije Univerziteta "Džemal Bijedić" u Mostaru, u akademskoj 2020/2021. godini.

Član 2.

Organizacione jedinice/univerzitetski studiji upisuju planirani broj studenata, a prema kriterijima iz ove Odluke.

Organizacione jedinice/univerzitetski studiji mogu odlučiti da kao način provjere znanja i sposobnosti kandidata za odgovarajući studij uvedu i polaganje prijemnog ispita.

Član 3.

Rangiranje kandidata za upis na prvi ciklus studija vrši se na osnovu ukupnog broja bodova dobijenih prema sljedećim kriterijima:

- a) **OPĆI KRITERIJ** se odnosi na postignuti uspjeh u srednjem obrazovanju i iznosi najviše 35 bodova.
- b) **POSEBNI KRITERIJ** odnosi se na priznanje stečeno za uspjeh u toku školovanja ili na takmičenjima iz poznavanja naučnih (stručnih) disciplina ili po osnovu vrhunskih rezultata u sportu, a iznosi najviše 10 bodova izuzev Fakulteta informacijskih tehnologija (najviše 5 bodova).
- c) **POJEDINAČNI KRITERIJ** odnosi se na predmete značajne za odgovarajući studij ili prijemni ispit.
 - **Pojedinačni kriterij** po osnovu **predmeta značajnih za odgovarajući studij** a koji su utvrđeni odlukama visokoškolskih ustanova i navedeni su u članu 7. ove odluke, vrednuju se sa najviše **15 bodova**.
 - **Pojedinačni kriterij** po osnovu **prijemnog ispita** na univerzitetskom studiju Zdravstvena njega vrednuje se sa najviše 30 bodova, a na univerzitetskom studiju Farmacija sa najviše 15 bodova.

Bodovanje po osnovu pojedinačnog kriterija može se vršiti samo po jednom osnovu.

Član 4.

Broj bodova po osnovu **općeg kriterija** utvrđuje se tako da se izračuna prosječna ocjena u toku srednjoškolskog obrazovanja (zaokružena na dvije decimale) i množi sa brojem 7.

Član 5.

Po osnovu **posebnog kriterija**, kandidati dobijaju sljedeći broj bodova za osvojeno jedno od prva tri mjesta na međunarodnim, državnim i kantonalnim takmičenjima u poznavanju naučnih (stručnih) disciplina od značaja za studij:

Kantonalno (entitetsko) takmičenje

1. mjesto.....2 boda
2. ili 3. mjesto.....1 bod

Državno takmičenje

1. mjesto.....3 boda
2. ili 3. mjesto.....2 boda

Međunarodno takmičenje

1. mjesto.....5 bodova
2. ili 3. mjesto.....4 boda

Član 6.

Broj bodova po osnovu **pojedinačnog kriterija** utvrđuje se tako da se prosječna ocjena iz 2-4 predmeta značajnih za odgovarajući studij, utvrđeni ovom Odlukom (zaokružena na dvije decimale) množi sa brojem 3.

Bodovanje rezultata prijemnog ispita na organizacionim jedinicama/univerzitetским studijima na kojima se polaže prijemni ispit vršit će se u skladu sa ovom Odlukom.

Član 7.

Rangiranje kandidata na organizacionim jedinicama/univerzitetским studijima vršit će se prema sljedećim kriterijima:

AGROMEDITERANSKI FAKULTET

- **Akademski dodiplomski studij (bachelor) / I ciklus studija**

Opći uspjeh

Predmeti koji se boduju po pojedinačnim kriterijima na svim studijskim programima su: **biologija i hemija**.

EKONOMSKI FAKULTET

- **Akademski dodiplomski studij (bachelor) / I ciklus studija**

Opći uspjeh

Predmeti koji se boduju po pojedinačnim kriterijima su: **matematika i bosanski/hrvatski/srpski jezik**.

- **Akademski diplomski studij (master)/ II ciklus**

Pravo upisa na **diplomski studij (master 4+1 sve oblasti) / II ciklus studija Ekonomskog fakulteta** imaju kandidati koji su završili prvi ciklus studija ekonomskog i neekonomskog usmjerenja u trajanju od četiri godine sa ostvarenih 240 ECTS bodova. Za sve prijavljene kandidate održat će se prijemni ispit iz oblasti na koju apliciraju. Prijemni ispit je eliminatoran. Kandidati koji su završili prvi ciklus studija **neekonomskog usmjerenja** nakon položenog prijemnog ispita obavezni su polagati **preduslovni predmet - Menadžerska ekonomija**.

FAKULTET HUMANISTIČKIH NAUKA

Ne uslovljava se upis na dodiplomske studijske programe Fakulteta humanističkih nauka.

FAKULTET INFORMACIJSKIH TEHNOLOGIJA

- **Akademski dodiplomski studij (bachelor) / I ciklus studija**

Opći kriterij – postignuti uspjeh u srednjem obrazovanju. Kandidat može ostvariti najviše 35 bodova (prosjeak svih ocjena, zaokružen na dvije decimale, ne računajući ocjene na maturskom, pomnožen sa 7).

Posebni kriteriji Osvojeno jedno od prva tri mjesta na međunarodnim, državnim i kantonalnim takmičenjima u poznavanju naučno-stručnih disciplina od značaja za studij (informatika), prema navedenoj skali.

Napomena: Ukoliko je kandidat učestvovao na više takmičenja, u obzir se uzima samo jedno, kojim kandidat ostvaruje najviše bodova prema gornjoj skali. Bodovat će se samo takmičenja koja su realizovana u (su)organizaciji Kantonalnog pedagoškog zavoda, Republičkog pedagoškog zavoda RS-a, Federalnog ministarstva obrazovanja i nauke ili Udruženja "Informatičke olimpijade u BiH".

POJEDINAČNI KRITERIJ - prijemni ispit. Prijemni ispit se organizuje i obavezan je samo za kandidate koji budu aplicirali za in-class način praćenja nastave. Kandidati koji ne budu rangirani među prvih 55, po automatizmu će biti rangirani prema uspjehu iz srednje škole (opći kriterij) kao DL studenti. Prijemni ispit nije eliminatoran. Model testa i literatura za pripremu prijemnog ispita bit će dostupna na: <https://www.fit.ba>.

GRAĐEVINSKI FAKULTET

- **Akademski dodiplomski studij (bachelor) / I ciklus studija**

Opći uspjeh

Posebni kriteriji - nagrade i priznanja stečena za uspjeh u toku školovanja ili na takmičenjima iz naučnih (stručnih) disciplina ili po osnovu vrhunskih rezultata u sportu.

Predmeti koji se boduju po **pojedinačnim kriterijima** su: **matematika i fizika** iz dva razreda srednjeg obrazovanja.

MAŠINSKI FAKULTET

- **Akademski dodiplomski studij (bachelor) / I ciklus studija**

Opći uspjeh

Posebni kriteriji - nagrade i priznanja stečena za uspjeh u toku školovanja ili na takmičenjima iz naučnih disciplina. Predmeti koji se boduju po **pojedinačnim kriterijima** za sve studijske programe su: **matematika i fizika**.

NASTAVNIČKI FAKULTET

- **Akademski dodiplomski studij (bachelor) / I ciklus studija**

- **Hemija:**

- Opći uspjeh

- **Razredna nastava:**

- Opći uspjeh

- **Sport i zdravlje**

- Opći uspjeh

Pri upisu na I ciklus studija svi kandidati moraju prvo zadovoljiti na provjeri zdravstvenog stanja i znanja iz određenih sportova i utilitarnih vještina. Uspjehu na **prijemnom ispitu** znatno doprinosi uspjeh postignut u srednjoškolskom obrazovanju. Na provjeri motoričkih znanja i sposobnosti kandidati moraju postići određeni minimalan broj bodova tj. preći prijemni prag. Na taj se način pred buduće studente Odsjeka za sport i zdravlje postavljaju tri kriterija od kojih je svaki za sebe eliminacijski.

- **Pedagogija:**

- Opći uspjeh

- **Psihologija i sociologija:**

- Opći uspjeh

- **Posebni kriteriji** - nagrade i priznanja stečena za uspjeh u toku školovanja ili na takmičenjima iz naučnih disciplina, učešće na domaćim i međunarodnim stručnim i naučnim skupovima, učešće na domaćim i međunarodnim projektima;

- Predmeti koji se boduju po **pojedinačnim kriterijima** su: **bosanski/hrvatski/srpski jezik, psihologija i sociologija**

- **Stručni studij iz oblasti sporta:**

- Opći uspjeh.

PRAVNI FAKULTET

- **Akademski dodiplomski studij (bachelor) / I ciklus studija**

Opći uspjeh

Posebni kriteriji - nagrade i priznanja stečena za uspjeh u toku školovanja ili na takmičenjima iz naučnih (stručnih) disciplina ili po osnovu vrhunskih rezultata u sportu.

Predmeti koji se boduju po **pojedinačnim kriterijima** su: **bosanski jezik i historija**.

UNIVERZITETSKI STUDIJI

- **Akademski dodiplomski studij (bachelor) / I ciklus studija**

- **POSLOVNA INFORMATIKA**

Opći uspjeh;

Posebni kriteriji;

Predmeti koji se boduju po **pojedinačnim kriterijima** su: **matematika i informatika**.

▪ ZDRAVSTVENA NJEGA

Opći uspjeh se odnosi na postignut uspjeh u srednjem obrazovanju i nosi 35 bodova.

Pojedinačni kriterij se odnosi na **prijemni ispit** za redovne studente iz predmeta **biologija i hemija**, koji je obavezan, ali nije eliminatoran. Na osnovu urađenog ispita kandidat može ostvariti najviše 30 bodova.

Redovni samofinansirajući studenti i vanredni studenti ne polažu prijemni ispit.

▪ DIZAJN INTERIJERA

Opći uspjeh

U slučaju prijavljenog većeg broja od predložene kvote, rangiranje će se vršiti prema visini prosječne ocjene iz srednje škole.

▪ STUDIJ TURIZMA

Opći uspjeh;

Posebni kriteriji;

Predmeti koji se boduju po **pojedinačnim kriterijima** su: **bosanski / hrvatski / srpski jezik i jedan strani jezik.**

▪ FARMACIJA

Opći uspjeh

Pojedinačni kriteriji – prijemni ispit. Prijemni ispit se organizuje iz predmeta Biologija i Hemija koji je obavezan, ali nije eliminatoran.

• **Akademski diplomski studij (Master) / II ciklus studija**

▪ **Poslovna informatika**

Pravo upisa na II ciklus studija imaju Bachelori Poslovne informatike sa minimalno ostvarenih 180 ECTS bodova, a svršeni studenti srodnih studijskih programa koji su završili I ciklus studija u trajanju od 3 godine sa ostvarenih 180 ECTS bodova također imaju pravo upisa na ovaj Studij uz obavezno polaganje preduslovnih predmeta po odluci Naučno-nastavnog vijeća studija.

Član 8.

Pravo upisa na **diplomski studij (master, II ciklus)** imaju kandidati sa završenim odgovarajućim dodiplomskim studijem koji se vrednuje sa najmanje 180 (3+2) ECTS odnosno 240 (4+1) ECTS studijskih bodova, te kandidati sa završenim četverogodišnjim studijem po predbolonjskom sistemu studiranja, što se bliže definiše studijskim programom.

Kandidati iz stava (1) ovog člana za upis na diplomski studij, u pravilu, moraju imati najmanju prosječnu ocjenu 7,5 (C+) ostvorenu na dodiplomskom studiju, a ukoliko nisu ostvarili traženu prosječnu ocjenu, potrebno je da dostave dvije preporuke nastavnika, koji su im bili predmetni nastavnici na dodiplomskom studiju.

Kandidati koji ispunjavaju uslove iz stava (1) ovog člana imaju pravo upisa na studijski program na drugom fakultetu/univerzitetu koji je srodan završenom dodiplomskom studiju, uz polaganje jednog ili više diferencijalnih ispita i pod uslovima koje utvrđuje Naučno-nastavno vijeće fakulteta/univerzitetskog studija, koji realizuju studijski program diplomskog studija.

Strani državljani i osobe bez državljanstva imaju pravo upisa na studij pod jednakim uslovima kao i državljani BiH.

Član 9.

Postupak za provođenje ove Odluke provode komisije koje imenuju naučno-nastavna vijeća fakulteta/univerzitetskih studija.

Komisija je dužna obezbjediti tajnost ispitnog materijala i druge dokumentacije do okončanja prijemnog ispita.

Nakon provedene provjere, komisija je dužna utvrditi rang-listu kandidata i istu istaći na oglasnoj ploči i web stranici fakulteta/univerzitetskog studija, nakon što ih verifikuje Naučno-nastavno vijeće fakulteta/univerzitetskog studija.

Na objavljenu rang listu kandidati mogu uložiti pismeni prigovor Naučno-nastavnom vijeću fakulteta /univerzitetskog studija u roku od 3 dana od dana objavljivanja liste. U slučaju da na objavljenu listu ne bude prigovora, ista se smatra konačnom. Ukoliko na objavljenu rang listu pristignu prigovori kandidata naučno-nastavna vijeća utvrđuju konačnu listu, koju objavljuje na web-stranici i oglasnoj ploči narednog dana od dana usvajanja, sa naznakom broja do kojeg su kandidati stekli pravo upisa.

Član 10.

Studenti koji će se upisati u prvu godinu studija akademske 2020/2021. godine kao i studenti ostalih godina studija će plaćati troškove studija u skladu sa Odlukom Upravnog odbora Univerziteta.

Detaljne informacije o mjestu i vremenu predaje dokumenata za upis, kao i druge relevantne informacije, bit će objavljene na oglasnim pločama i web stranicama fakulteta /univerzitetskih studija.